


法句譬喻經

才一

四百廿六
獸三

51057



元祿九年丙子二月日重修

皇圖聖國 帝澤銀昌

佛日增輝 懋容輪常轉

山城州天安寺法金剛院置



法句譬喻經卷第一

西晉沙門法炬共法立譯

歎

譬無常品第一

昔者天帝釋五德離身自知命盡當下生世
 間在陶作家受驢胞胎何謂五德一者身上
 光滅二者頭上華萎三者歛離本座四者腋
 下汗臭五者塵土着身以此五事自知福盡
 甚大憂愁自念三界之中濟人苦厄唯有佛
 耳於是奔馳往到佛所時佛在耆闍崛山石
 室中坐禪入普濟三昧天帝見佛稽首作禮
 伏地至心三自歸命佛法聖眾未起之間其
 命忽盡便至陶家驢母腹中作子時驢自解



走瓦坏間破壞坏器其主打之尋時傷胎其
神即還入故身中五德還備復為天帝佛三
昧覺讚言善哉天帝能於殞命之際歸命三
尊罪對已畢不更勤苦

尔時世尊以偈頌曰

所行非常 謂興衰法 夫生輒死 此滅為樂

譬如陶家 埏埴作器 一切要壞 人命亦然

帝釋聞偈知無常之要達罪福之變解興衰
之本遵寂滅之行歡喜奉受得須陀洹道昔

佛在舍衛國精舍中為諸天人龍鬼說法時
國王波斯匿大夫人年過九十卒得重病醫
藥不差遂便喪亡王及國臣如法葬送遷神

墳墓葬送畢訖還過佛所脫服跣鞵前禮佛
足佛命令坐而問之曰王所從來衣鹿形異
何所施爲也王稽首曰國大夫年過九十
間得重病奄便喪亡遣送靈柩遷葬墳墓今
始來還過覲聖尊佛告王曰自古至今大畏
有_有四生則老枯病無光澤死則神去親屬別
離_之謂爲四不與人期萬物無常難得久居
一日過去人命亦然如五河流晝夜無息人
命馳疾亦復如是

於是世尊即說偈言

如河駛流往而不返人命如是逝者不還
佛告大王世皆有是無長存者皆當歸死無

有脫者往昔國王諸佛真人五通仙士亦皆
過去無能住者空為悲感以損軀形夫為孝
子哀愍亡者為福為德以歸流之福祐往追
如餉遠人佛說是時王及群臣莫不歡喜忘
憂除患諸來一切皆得道迹

佛在羅閱祇竹園中與諸弟子入城受請說
法畢訖晡時出城道逢一人驅大群牛牧還
入城肥飽跳騰轉相舐觸

於是世尊即說偈言

譬人操杖 行牧食牛 老死猶然 亦養命去

千百非一 族姓男女 貯聚財產 無不衰喪

生者日夜 命自攻削 壽之消盡 如榮穿水

佛到竹園洗足却坐尊者阿難即前稽首問
言世尊向者道中說此三偈不審其義慙蒙
開化佛告尊者阿難汝見有人驅牧群牛不
唯然見之佛語尊者阿難此屠家群牛本有
千頭屠家日日遣人出城求好水草養令肥
長擇取肥者日牽殺之殺之過半而餘者不覺
方相舐觸跳騰嗚吼傷其無知故說偈耳佛語
尊者阿難何但此牛世人亦爾計於吾我不
知非常饕餮五欲養育其身快心極意更相殘
賊無常宿對卒至無期朦然不覺何異於此
也時座中有貪養比丘二百人聞法自勵逮
六神通得阿羅漢衆座悲喜為佛作禮

佛昔在舍衛祇樹給孤獨園爲諸弟子說法
時有梵志女年十四五端正聰辯父甚憐愛卒
得重病即便喪亡田有熟麥爲野火所燒梵
志得此憂惱愁憤失意恍惚譬如狂人不能
自解傳聞人說佛爲大聖天人之師演說經
道忘憂除患於是梵志往到佛所作禮長跪
白佛言素少子息唯有一女愛以忘憂卒得
重病捨我喪亡天性悼愍情不自勝唯願世
尊垂神開化釋我憂結佛告梵志世有四事
不可得久何謂爲四一者有常必無常二者
富貴必貧賤三者合會必別離四者強健必
當死於是世尊即說偈言

常者皆盡高者亦墮合會有離生者有死
梵志聞經心即開解厭作比丘鬚髮自墮即
成比丘重惟非常得羅漢道

昔佛在羅閱祇耆闍崛山中時城內有姪女
人名曰蓮華姿容端正國中無雙大臣子弟
莫不尋敬介時蓮華善心自生欲棄世事作
比丘尼即詣山中就到佛所未至中道有流
泉水蓮華飲水澡手自見面像容色紅暉頭
髮紺青形貞方正挺特無比心自悔曰人生
於世形體如此云何自弃行作沙門宜當順
時快我私情念已便還佛知蓮華應當化度
化作一婦人端正絕世復勝蓮華數千萬倍

尋路逆來蓮花見之心甚愛敬即問化人從
何所來夫主兒子父兄中外皆在何許去何
獨行而無侍從化人荅言從城中來欲還歸
家雖人相識寧可共還到泉水上坐息語不
蓮花言善二不相將還到水上陳意委曲化
人睡來枕蓮花眯眠須臾之頃忽然命絕胖
脹臭爛腹潰虫出齒落髮墮肢體解散蓮華
見之心大驚怖去何好人忽便無常此人尚介
我豈久存故當詣佛精進學道即至佛所五
體投地作禮已訖具以所見向佛說之佛告
蓮花人有四事不可恃怙何謂爲四一者少
壯會當歸老二者強健會當歸死三者六親

歡娛會當別離四者財寶積聚要當分散於
是世尊即說偈言

老則色衰

壯病自壞

形敗腐朽

命終其然

是身何用

恒漏臭處

為病所困

有老死患

嗜欲自恣

非法是增

不見聞變

壽命無常

非有子恃

亦非父兄

為死所迫

無親可怙

蓮華聞法欣然解釋觀身如化命不久停唯

有道德泥洹永安即前白佛願為比丘尼佛

言善哉頭髮自墮即成比丘尼思唯正觀即

得羅漢諸在座者聞佛所說莫不歡喜

昔佛在王舍城竹林中說法時有梵志兄弟

四人各得五通却後七日皆當命盡自共議

言五通之力反覆天地手捫日月移山駐流
靡所不能寧當不能避此死對一人言吾入
大海中上不出現下不至底正處其中無常殺
鬼安知我處一人言吾入須彌山中還合其
表令無際現無常殺鬼安知吾處一人言吾
當輕舉隱虛空中無常殺鬼安知吾處一人
言吾當藏入大市之中無常殺鬼趣得一人
何必求吾也四人議訖相將辭王吾等壽筭
餘有七日今欲逃命冀當得脫還乃親省惟
願進德於是別去各到所在七日期滿各各
命終猶菓熟落市監白王有一梵志卒死市
中王乃言曰四人避對一人已死其餘三人

豈得獨免王即嚴駕往至佛所作禮却坐白
佛言近有梵志兄弟四人各獲五通自知命
盡皆共避之不審今者能得脫不佛告大王
人有四事不可得離何謂為四一者在中陰
中不得不受生二者已生不得不受老三者
已老不得不受病四者已病不得不受死於
是世尊即說偈言

非空非海中

非入山石間

無有地方所

脫之不受死

是務是吾作

當作令致是

人為此躁擾

履踐老死憂

知此能自靜

如是見生盡

比丘馱魔兵

從生死得度

王聞佛言歎

曰善哉誠如尊教

四人避對一

人已亡祿命有分餘復然矣群臣從官莫不信受

法句譬喻經教學品第二

昔佛在舍衛國祇樹精舍佛告諸比丘當勤修道除棄陰蓋心明神定可免衆苦有一比丘志不明達飽食入室閑房靜眠愛身快意不觀非常冥冥懈怠無復晝夜却後七日其命將終佛愍傷之懼墮惡道即入其室彈指覺曰

咄起何爲寐

蝸螺蚌蠹類

隱蔽以不淨

迷惑計爲身

爲有被斫瘡

心而嬰疾痛

遭于衆厄難

而反爲用眠

思而不放逸

爲人學仁迹

從是無有憂

常念自滅音

正見學務增

是爲世閒明

所生福千倍

終不墮惡道

比丘聞偈即時驚悟見佛親誨加敬悚息即
起稽首爲佛作禮佛告比丘汝寧自識本宿
命不比丘對曰蔭蓋所覆實不自識也佛告
比丘昔維衛佛時汝曾出家貪身利養不念
經戒飽食却眠不念非常命終魂神生蟬虫
中積五萬歲壽盡復爲螺蚌之虫樹中蠹虫
各五萬歲此四品虫生長冥中貪身愛命樂處
幽隱以冥爲家不見光明一眠之時百歲乃覺
纏綿罪網不求出要今始罪畢得爲沙門如

何睡眠不知猷足於是比丘重聞宿緣慙怖
自責五盖雲除即得羅漢道

昔佛在舍衛國祇樹給孤獨園與諸天人四
輩說法時有一年少比丘爲人頑愚質直踈
野未解道要情意興盛思想於欲陽氣盛陰
不能自制以此爲惱不獲度世坐自思惟有
根斷者然後清淨可侍道迹即至檀越家從之
借斧還房閉戶脫去衣服坐木板上欲自斫
陰正坐此陰令我勤苦經歷生死無央數劫
三塗六畜皆由色欲不斷此者無緣得道佛
知其意愚癡乃爾道從制心心是根源不知當
死自害墮罪長受苦痛於是世尊往入其房即

問比丘欲作何等放斧著衣禮佛自陳學道
日久未解法門每坐禪定垂當得道為欲蓋
所驚陽氣隆盛意惑自冥不覺天地諦自責
念事皆由此是以借斧欲制斷之佛告比丘
卿何愚癡不解道理欲求道者先斷其癡然
後制心心者善惡之根原欲斷根者當先制其
心心定意解然後得道於是世尊即說偈言
學先斷毋率君二臣 廢諸營從 是上道人
佛告比丘十二因緣以癡為本癡者眾罪之
原智者眾行之本先當斷癡然後意定佛說
是已比丘慚愧即自責言我為愚癡迷惑來
久不解古典使如此耳今佛所說甚為妙哉

內思正定安般守意制心伏情覺悟諸欲即
得定意在於佛前逮得應真

昔佛在羅閱祇國靈鷲山中爲諸天人國王
大臣說甘露法有一比丘剛猛勇健佛知其
意遣至山後鬼神谷中令樹下坐數息求定
知息長短安般守意斷求滅苦可得涅槃比
丘受教往至谷中端坐定意但聞山中鬼神
語聲不見其形但有音聲悚息怖懼不能自
寧意欲悔還即自念言居家大富宗族又強
復出家學道獨見安處鬼神深山既無伴侶又
無行人但有諸鬼數來怖人思惟如是未去
之間於是世尊往到其邊坐一樹下而問之

曰汝獨在此將無怖懼比丘稽首白言初未
曾入山在此實憂須臾之間有一野烏王來
在邊倚樹而卧心獨歡喜遠離諸象一何快
哉佛知象意告比丘曰汝寧知是烏所由來
不對曰不審佛告比丘此象眷屬大小五百
餘頭患馱小烏捨來至此倚樹而卧自念得
離息愛牢獄一何快哉象是畜生猶思閑靜
况汝捨家欲求度世方以獨自欲求伴侶愚
冥伴侶多所傷敗獨住無對亦無謀議寧獨
修道不用愚伴於是世尊即說偈言
學無明類 不得善友 寧獨守善 不與愚偕
樂戒學行 奚用伴為 獨善無憂 如空野烏

佛說是時比丘意解內思聖教即得應真谷
中鬼神亦皆開解為佛弟子受誓誡勅不復
侵民佛與比丘共還精舍

昔佛在舍衛國祇洹精舍為諸天人宣演經
法時羅閱祇國有二新學比丘欲往見佛二
國中間曠無人民于時旱熱泉水枯竭二人
飢渴熱痛呼吸故泉之中有升餘水而有細虫
不可得飲二人相對曰故從遠來欲望見佛不
圖今日沒命於此也一人言且當飲水以濟
吾命進前見佛焉知其餘也一人荅曰佛之
明戒仁慈為首殘生自活見佛無益寧守戒
而死不犯戒而生也一人即起極意快飲於是

進路一人不飲遂致殞命即生第二忉利天
上思惟自省而識宿命持戒不犯今來生此
信哉福報其不遠矣即持香華下到佛所為
佛作禮却任一面其餘水者道路疲頓經日
乃達見佛神德至尊巍巍稽首禮畢涕泣自
陳我伴一人於彼命終感其不達願佛知之佛
言吾已明矣佛以手指曰今此天人則是伴
也全戒生天又先至矣於是世尊披曾示之
汝觀我形不奉我戒雖云見我我不見汝也
去我萬里奉行經戒此人則為在我目前於
是世尊即說偈言

學而多聞持戒不失 兩世見譽 所願者得

學而寡聞持戒不完 兩世受痛 喪其本願
夫學有二 常親多聞 安諦解義 雖困不邪
於是比丘聞偈慚怖稽首悔過嘿思所行天
人聞偈心意欣悅遠得法眼天人衆會莫不
奉行

法句譬喻經多聞品第三

昔舍衛國有一貧家夫婦慳惡不信道德佛
愍其愚現為貧凡沙門詣門分衛時夫不在
其婦罵詈無有道理沙門語曰吾為道士乞
食自居不得罵詈唯望一食耳主人婦曰若
汝立死食尚叵得况今平健欲望我食但稽
時節不如早去於是沙門住立其前戴眼持

氣便現死相身體胖脹鼻口虫出腹殞腸爛
不淨流漫其婦見此恐怖失聲棄捨而走於
是道人忽然捨去去舍數里坐樹下息其夫來
歸道中見婦恠其驚怖其婦語夫有其沙門
見怖如此夫主瞋怒問為所在婦曰已去想
亦不遠夫即執弓帶刀尋跡往逐張弓拔刀
奔走直前欲斫道人道人即化作琉璃小城
以自圍繞其人逃城數匝不能得入即問道
人何不開門道人曰欲使開門棄汝弓刀其
人自念當隨其語若當得入手拳加之尋棄
弓刀門故不開復語道人已棄弓刀門何不
開道人曰吾使汝棄心中惡意弓刀耳非謂

手中弓刀也於是其人心驚體悸道人神聖
乃知我心即便叩頭悔過啓道人曰我有弊
妻不識真人使我興惡願小垂慈莫便見捨
今欲將來勸令修道即起還歸其妻問曰沙
門所在其夫具說神變之德今者在彼卿自
宜往改悔滅罪於是夫妻至道人所五體悔
過願爲弟子跪問道人神變聖達乃尔有琉
璃城堅固難踰志明意定永無憂患行何道
德致此神妙道人曰吾博學無厭奉法不懈
精進持戒忍不放逸緣是得道自致泥洹於
是道人因說偈言

多聞能持固 奉法爲垣墻 精進難踰毀

從是戒慧城

多聞令志明

以明智慧增

智則博解義

見義行法安

多聞能除憂

能以定為歡

善說甘露法

自致得泥洹

聞為知律法

解疑亦見正

從聞捨非法

行到不死處

道人說偈已現佛光相
洪暉赫奕照曜天地

夫妻驚愕精神戰懼
改惡洗心頭腦打地壞

二十億惡得須陀洹道

昔佛在拘睢尼國美音精舍
與諸四輩廣說

大法有一梵志道士智博
通達眾經備舉無

事不負貢高自譽天下
無比求敵而行無敢

應者晝日執炬行城市中
人問之曰何以晝

日執炬而行梵志荅曰世皆愚冥目無所見
是以執炬照之耳觀察世間無敢言者佛知
梵志宿福應度而行貢高求勝名譽不計無
常自恃憍恣如是當墮太山地獄無央數劫
求出甚難佛即化作一賢者居肆上坐即呼
梵志何爲作此梵志荅曰以衆人冥晝夜不
見明故執炬火而照之耳賢者重問梵志經中
有四明法爲知之不對曰不審何謂四法一
者明於天文地理和調四時二者明於星宿
分別五行三者明於治國綏化有方四者明
於將兵固而無失卿爲梵志有此四明法以
不梵志慚愧棄炬叉手有不及心佛知其意

即還復身光明炳然晃照天地便持梵聲爲
梵志說偈曰

若多少有聞 自大以憍人 是以盲執燭
照彼不自明

佛說偈已告梵志曰冥中之甚無過於汝而
晝執炬行入大國如卿所知何如一塵梵志
聞之有慚愧色即便叩頭願爲弟子佛即受
之令作沙門意解妄止即得應真

昔舍衛國有大長者名曰須達得須陁洹有
親友長者名曰好施不信佛道及諸醫術時
得重病委頓着床宗親知友皆就省問勸令
治病死死不肯答衆人言吾事日月忠孝君

父畢命於此終不改志湏達語曰吾所事師
号曰爲佛神德廣被見者得福可試請來說
經呪願聽其所說言行進趣何如餘道事之
與不隨卿所志以卿病久不時除羗勸卿請
佛冀蒙其福好施日佳卿便爲吾請佛及衆
弟子湏達即便請佛及僧往詣其門佛放光
明內外通徹長者見光欣然身輕佛前就坐
慰問長者所病何如昔事何神作何療治長
者白佛奉事日月君長先人恭敬齋戒祈請
萬端得病經時未蒙恩祐醫藥針灸居門所
忌經戒福德素所不知先人以來守死於此
佛告長者人生世間橫死有三有病不治爲

一橫死治而不慎為二橫死僑愚自用不達
逆順為三橫死如此病者非日月天地先人
君父所能除遣當以明道隨時安濟一者四
大寒熱當須醫藥二者衆邪惡鬼當須經戒
三者奉事賢聖矜濟窮厄德感神祇福祐群
生以大智慧消去陰蓋奉行如此現世安吉
終無枉橫戒慧清淨世世常安於是世尊即
說偈言

事日為明故

事父為息故

事君以力故

聞故事道人

人為命事醫

欲勝依豪強

法在智慧處

福行世世明

察友在為謀

別伴在急時

觀妻在房樂

欲知智在說

為能師見道

解疑令學明

亦興清淨本

能奉持法藏

聞能令世利

妻子昆弟友

亦致後世福

積聞成聖智

能攝為解義

解則戒不穿

受法猗法者

從是疾得安

是能散憂患

亦除不祥衰

欲得安隱吉

當事多聞者

於是長者聞佛說法心意疑結燿然雲除良
醫進療委心道德四大安靜眾患消除如飲
甘露中外怡懌身安意定得須陀洹道宗室
國人莫不敬奉

昔羅閱祇國南有大山去城二百里南土諸
國路由此山山道深邃有五百賊依險劫人

後遂縱橫所害狼藉衆賈被毒王路不通國
王追討不能擒獲時佛在國哀愍群生念彼
賊輩不知罪福世有如來而目不覩法鼓日
振而耳不聞吾不往度如石沉淵化作一人
着好衣服乘馬帶刀手執弓矢鞍勒嚴飾金
銀疋校以明月珠垂珞馬體跨馬鳴絃往入
山中群賊見之以爲成事作賊積年未有此
便卵之投石與此何異群賊齊頭徑前圍繞
挽弓拔刀諍欲剥脫於是化人舉弓一發使
五百賊各被一箭以刀拍擬各被一瘡瘡重
箭深即皆顛倒五百羣賊宛轉卧地叩頭歸
降爲是何神威力乃尔乞蒙原赦以活微命

願時拔箭使瘡除愈今者瘡痛不可堪忍化
人荅曰是瘡不痛箭不為深天下瘡重莫過
於憂殘害之甚莫過於愚汝懷貪得之憂殘
害之心刀瘡毒箭終不可愈此二事者根本
深固勇力壯士所不能拔唯戒多聞慧
義以此明道療治心病拔除憂愛愚癡貢高
制伏剛強豪富貪欲積德學慧乃可得除長
獲安隱於是化人即現佛身相好挺特金顏
殊妙即說偈言

斫瘡無過憂

射箭無過愚

是壯莫能拔

唯從多聞除

盲從是得眼

闇者從得燭

示導世間人

如目將無目

是故可捨癡

離慢豪華富樂 務學事聞者 是名積聚德
於是五百人見佛光相重聞此偈叩頭歸命
剋心悔過刀瘡毒箭自然除愈歡喜心開即
受五戒國界安寧莫不歡喜

法句譬喻經篤信品第四

昔者舍衛城東南有大江水既深而廣有五
百餘家居在岸邊未聞道德度世之行習於
剛強詐欺為務貪利自恣快心極意世尊常
念其應度者當往度之知此諸家福應當度
於是世尊往至水邊坐一樹下村人見佛光
相竒異莫不驚肅皆往禮敬或拜或揖問訊
起居佛命令坐為說經法衆人聞之而心不

信習於欺，怠不信真言。佛便化作一人，從江南來，足行水上，正沒其踝。來至佛前，稽首禮佛。衆人見之，莫不驚恠。問化人曰：「吾等先人以來居此江邊，未曾聞人行水上者。卿是何人？有何道術？」履水不沒，願聞其意。化人荅曰：「吾是江南愚冥之人，聞佛在此，貪樂道德，至南岸邊，不時得渡。問彼岸人：水爲深淺？彼人見語，水可齊踝，何不涉渡？吾信其言，便爾來過，無他異術。佛讚言：善哉善哉。夫執信誠諦，可度生死之洲，數里之江，何足爲竒？於是世尊即說偈言：

信能度洲，攝爲舡師。精進除苦，慧到彼岸。

士有信行 爲聖所譽 樂無爲者 一切縛解
信乃得道 法致滅度 從聞得智 所到有明
信之與戒 慧意能行 健夫度恚 從是脫洲
於是村人聞佛所說見信之證心開信堅皆
受五戒爲清信士明信自修法教普聞天下
昔佛在世有大長者名修羅陁財富無數信
向道德自誓常以臘月八日請佛及僧終身
子孫奉行不廢長者亡時囑兒勿廢兒名比
羅陁後日漸貧居無所有臘月已至無用供
辦愁感不樂佛遣目連往問比羅陁汝父直
月欲至當設何計比羅陁荅言亡父教令不
敢違之唯願世尊勿見忽棄也八日中時迴光

臨眇目連即還具白如是比羅陀即將妻至外
家質百兩金還舍供辦一切具足佛與千二
百五十衆僧往詣其舍坐畢行水下食澡竟
還於精舍比羅陀歡喜不敢悔恨其日夜半
諸故箴中自然寶物悉滿如故比羅陀夫婦
明旦見之喜而且懼懼官見問所從得此夫
妻共議當往問佛尋到佛所具白如此佛告
比羅陀安意快用勿有疑難汝之履信不違
父教持戒慚愧沒命不二聞施惠道七財滿
具福德所致非爲災變智者能行不問男女
所生之處福應自然於是世尊即說偈言
信財戒財 慚愧亦財 聞財施財 慧爲七財

從信守戒 常淨觀法 慧而履行 奉教不忘
生有此財 不問男女 終已不貧 賢者識真
比羅陀聞佛所說益加篤信稽首佛足歡喜
還家具宣佛教誨其妻子遂相承繼皆得道
迹

法句譬喻經戒慎品第五

昔波羅奈國有山去城四五十里有五沙門
處山學道晨旦出山人間乞食食訖還山晚
暮乃到往還疲極不堪坐禪思惟正定歷年
如是不能得道佛愍念之勞而無獲化作一
道人往到其所問諸道人隱居修道得無勞
卷諸沙門言吾等在此去城既遠四大之身

當須飲食日日供給往還疲勞經年歷歲勤
苦竟已晝日往返暮輒疲頓不暇復得修道
爲當正尔畢命而已道人語曰夫爲道者以
戒爲本攝心爲行賤形貴真抒棄軀命食以
支形守意正定內學止觀滅意得道養身順
情安得免苦彫諸道人明日莫行吾當供養
使諸道人休息一日時五沙門意大歡喜恠
未曾有安心定意不復憂行明日日中此化
道人送食而來食訖安和心意恬怕於是化
人爲說偈言

比丘立戒 守攝諸根 食知自節 寤意令應
以戒降心 守意正定 內學止觀 無忘正智

明哲守戒 內思正智 行道如應 自清除苦
化道人說此偈已顯現佛身光相之容於是
五沙門精神震動感息唯戒即得阿羅漢
法句譬喻經惟念品第六

昔佛在世時弗加沙王與瓶沙王親友弗加
沙王未知佛道作七寶華以遺瓶沙王
得之轉奉上佛白佛言弗加沙王與我親友
遺我此華今以上佛影令彼王心開意解見
佛聞法奉敬聖衆當以何物以報所遺佛告
瓶沙寫十二因緣經送持與之彼王得經心
必信解即寫經卷別書文曰卿以寶華見遺
今以法華相上詳思其義果報深美到便誦

習以同道味弗加沙得經讀之尋省反覆燿
然信解喟然嘆曰道化真妙精義安神國榮
五欲憂惱之原累劫習迷始今乃寤願視流
俗無可貪樂即召群臣國付太子便自剃頭
行作沙門法服持鉢詣羅閱祇城外陶家窰
中寄宿明日入城分衛食訖留至佛所奉受
經戒佛以神通知弗加沙明白食時其命將
終故從遠來不得見佛又不聞經甚可憐愍
於是世尊化作沙門往至陶家欲求寄宿陶
家語曰向有一沙門在彼窰中可共止宿也
把草入窰坐於一面問弗加沙從何所來師
為是誰以何因緣行作沙門為見佛未弗加

沙言吾未見佛聞十二因緣便作沙門明日
入城乃分衛已當往見佛耳化沙門言人命
危脆朝夕有變無常宿對卒至無期但當觀
身四大所由合成散滅各還其本思惟覺意
空淨無想專念三尊布施戒德能知無常見
佛無異方念明日種無益想時化沙門即說

偈言

夫人得善利

乃來自歸佛

是故當晝夜

常念佛法衆

已知自覺意

是爲佛弟子

常當晝夜念

佛與法及衆

念身念非常

念戒布施德

空不願無相

晝夜當念是

時化沙門在於室中爲弗加沙說非常之要

弗加沙王思惟意定即得阿那含道佛知以
解為現佛身光明相好弗加沙王驚喜踊躍
稽首作禮佛重告之曰罪對無常畢故莫恐
弗加沙王言敬奉尊教忽然別去明日食時
弗加沙王入城分衛於城門中途新產犍牛
護犢舐殺弗加沙王腹潰命終即生阿那含
天佛遣諸弟子闍維起塔佛語諸弟子罪對
之根不可不慎也

法句譬喻經慈仁品第七

昔佛在羅閱祇去國五百里有山山中有一
家有百二十二人生長山藪殺獵為業衣皮
食肉初不田作奉事鬼神不識三尊佛以聖

明知其應度往詣其家坐一樹下男子行獵
唯有婦女在見佛光相明照天地山中木石
皆變金色大小驚喜知佛神人皆往禮拜供
施坐席佛為諸母人說殺生之罪行慈之福
恩愛一時會有離別諸母人聞經歡喜前白
佛言山民貪害以肉為食欲設微供願當納
受佛告諸母人諸佛之法不以肉食吾以食
采不須復辦因告之曰夫人生世所食無數
何以不作有益之食而殘害群生以自濟活
死墮惡道損而無益人食五穀當愍衆生蠕
動之類莫不貪生殺彼活己殃罪不朽慈仁
不殺世世無患於是世尊即說偈言

爲仁不殺 常能攝身 是處不死 所適無患
不殺爲仁 慎言守心 是處不死 所適無患
垂拱無爲 不害衆生 無所憍惱 是應梵天
常以慈哀 淨如佛教 知足知止 是度生死
佛說偈已 男子猶還 諸婦聽經 不復行迎 其
夫驚疑 恠不如常 棄肉來歸 謂有變故 至見
諸婦皆坐佛前 叉手聽經 瞋恚 嚙聲 欲圖毀
佛 諸婦諫曰 此是神人 勿興惡意也 即各悔
過 爲佛作禮 佛重爲說 不殺之福 殘害之罪
夫主意解 長跪白佛 吾等生長深山 以殺自
居 罪過累積 當行何法 得免重殃 於是世尊
即說偈言

履仁行慈

博愛濟衆

有十一譽

福常隨身

卧安覺安

不見惡夢

天護人愛

不毒不兵

水火不喪

在所得利

死昇梵天

是爲十一

佛說偈已男女大小百二十二人歡欣信受
皆持五戒佛語瓶沙王給其田地賜與穀食
仁化廣普國界安寧

昔有大國王名和默處在邊境未覩三尊聖
妙之化奉事梵志外道妖蠱舉國奉邪殺生
祭祀以此爲常時王母病委頓着床使諸醫
師不蒙湯藥遣諸聖女所在求請經年歷歲
未得除瘥更召國內諸婆羅門得二百人請
入令坐供設飲食而告之曰吾太夫人病困

經久不知何故乃使如此卿等多智明識相
法天地星宿有何不可具見告示諸婆羅門
言星宿倒錯陰陽不調故使尔耳王曰作何方
宜使得除愈婆羅門言當於城外平治淨處
郊祠四山日月星宿當得百頭畜生種種各
異類及一小兒殺以祠天王自躬身將母至
彼跪拜請命然後乃瘞王即供辦如其所言
駟人象馬牛羊百頭隨道悲鳴振動天地從
東門出當就祭壇殺以祠天世尊大慈普濟
衆生愍是國王頑愚之甚云何興惡殺衆生
命欲殺一人於是世尊將從大衆往到其國
在城東門道路逢王及婆羅門輩所駟畜生

悲鳴而來王遙見佛如日初出如月盛滿光
相炳然照曜天地人民見者莫不愛敬所駸
畜生祭饌之具皆願求脫王即前進下車却
盃為佛作禮叉手長跪問訊世尊佛命令起
問欲所至拱手荅言國太夫人得病經久良
醫神祇無不周遍今始欲行解謝星宿四山
五嶽為母請命冀蒙得瘥佛告大王善聽一
言欲得穀食當行耕種欲得大富當行布施
欲得長命當行大慈欲得智慧當行學問行
此四事隨其所種還得其果夫富貴之家不
貪貧賤之食諸天以七寶為宮殿衣食自然豈
當捨甘露之食來食麁穢也祠祀淫亂以邪

為正殺生求生去生道遠殺害衆命欲救一人安得如此於是世尊即說偈言

若人壽百歲

勤事天下神

象馬用祭祀

不如行一慈

佛說偈時即放光明烈照天地三塗八難莫不歡喜各得其所國王和默聞說妙法又覩

光明甚大歡喜即得道迹病母聞法五情悅豫所患消除二百梵志覩佛光相重聞其言慚愧悔過願為弟子佛盡受之皆作沙門各得如願王及大臣請佛說法供養一月乃去

以法治正國遂興隆

法句譬喻經言語品第八

昔弗迦沙王入羅閱祇城分衛於城門中爲
新產犍牛所舐殺牛主怖懾賣牛轉與它人
其人牽牛欲飲之牛從後復舐殺其主其主
有子瞋恚取牛殺之於市賣肉有田舍人買
取牛頭貫擔持歸去舍里餘坐樹下息以牛
頭掛樹枝須臾繩斷牛頭來下正墮人上牛
角刺人即時命終一日之中凡殺三人瓶沙
王聞之恠其如此即與群臣行詣佛所到作
禮畢却坐王位叉手白佛言大可恠世尊一
頭犍牛而殺三人將有變故願聞其意佛告
瓶沙王罪對有原非適今也王曰願聞其由
佛言往昔有賈客三人到他國治生寄住孤

獨老母舍應雇舍直見老母孤獨欺不欲與
伺老母不在嘿聲捨去竟不與直老母來歸
不見賈客即問比居去皆已去老母瞋恚尋
後追逐疲頓乃及責索舍直三賈客逆罵詈
言我前已相與去何復索同聲共舐不肯與
直老母單弱不能奈何懊惱呪誓語三賈客我
今窮厄何忍欺舐於我願我後世所生之處若
當相值要當殺汝正使得道終不相置佛語
瓶沙尔時老母者今此犍牛是也三賈客者
弗迦沙等三人為牛所舐殺者是於是世尊
即說偈言

惡言罵詈 僑陵笈人 興起是意 疾怨滋生

遜言順辭 尊敬於人 棄結忍惡 疾怨自滅
夫士之生 芥在口中 所以斬身 由其惡言
佛說是時 瓶沙王官屬 一切莫不 恭肅願崇
善行作禮 而去

法句譬喻經雙要品第九

昔舍衛國王名波斯匿王到佛所下車却蓋
解劔脫履拱手直進五體投地稽首足下長
跪白佛願以來日於四街道施設微食飲使
國人知佛至尊願令衆生遠鬼妖盍悉奉五
戒以消國患佛言善哉夫爲國主宜有明導
率民以道求來世福王曰至真請退嚴辦手
自爲飯身往奉迎佛與衆僧俱至四衢佛至

就坐即行澡水手自斟酌佛食飯畢於四道
頭爲王說法觀者無數時有兩商人一人念
曰佛如帝王弟子由忠臣佛陳明法弟子誦
宣斯王明矣知佛可尊屈意奉之一人念曰
斯王愚惑亦爲國王將復何求佛者若牛弟
子由車彼牛牽車東西南北佛亦如是子有
何道而下意奉之二人俱去行三十里停宿
沽酒共飲評論曠事其善念者四王護之其
惡念者太山鬼神令酒入腹如火燒身出亭
路卧宛轉轍中晨商人車五百乘轢殺之馬
伴明日求之已然曰還國見疑取物去不義
輕身委財逝至它國國王崩亡無太子讖書

去何土有微人當王斯土故王有神馬任王
必屈膝即具嚴駕神馬印綬行來國主觀者
數千商人亦出國太史曰彼有黃雲之蓋斯
王者氣神馬屈膝舐商人足群臣預作香湯
澡浴拜爲國王於是遂處位聽省國事深自思
曰余無微善何緣獲此必是佛息使之然也
即與群臣向舍衛國遙稽首曰賤人無德蒙
世尊慈得王此國明日願與應真衆垂意願
斯一時三月佛告阿難勅諸比丘明日彼王
請皆當作變化令彼國王人民歡喜各作神
足往到彼國皆次就坐如法儼然下食畢訖
澡手爲王說法王曰吾本微人素無快德何

緣獲斯佛告王曰昔彼天王飯佛於四衢道
王心念言佛如國王弟子猶臣下王種斯我
今自獲果彼一人云佛者若牛弟子由車彼
人自種車轆之灾今在太山地獄為火車所
轆自獲其果然非王勇健所能致矣為善福
隨為惡禍追此為自作非天龍鬼神所能與
於是世尊即說偈言
心為法本 心尊心使 中心念惡 即言即行
罪苦自追 車轆於轍 心為法本 心尊心使
中心念善 即言即行 福樂自追 如影隨形
佛說經偈已王及臣民聽者無數皆大歡喜
逮得法眼

昔耆闍崛山後有婆羅門七十餘家宿福應
度佛到其村現道神足衆人見佛光相巍巍
莫不敬伏佛坐樹下問諸梵志居此山中爲
幾何世有何方業以自供給曰居此以來三
十餘世田作畜牧以此爲業又問奉修何行
求離生死荅曰事日月水火隨時祭祠若有
死者大小聚會唱生梵天以離生死佛語諸婆
羅門夫田作畜牧祭祠日月水火唱叫生天
非是長存離生死法極福無過二十八天無
有道慧還墮三塗唯有出家修清淨志履行
寂義可得泥洹於是世尊即說偈言
以真爲僞 以僞爲真 是爲邪計 不得真利

知真爲真 見僞知僞 是爲正計 必得真利
世皆有死 三界無安 諸天雖樂 福盡亦喪
觀諸世間 無生不終 欲離生死 當行道真
七十婆羅門聞佛所說欣然意解願作沙門
佛言善來比丘鬚髮自墮皆成沙門佛與共還
精舍至於中路願戀妻息各有退意時遇天
雨益懷憂慘佛知其意便於道邊化作數十閒
舍入中避雨而舍穿漏佛因舍漏而說偈言
蓋屋不密 天雨則漏 意不惟行 姪洩爲穿
蓋屋善密 雨則不漏 攝意惟行 姪匿不生
七十沙門聞說此偈雖強自進猶懷普普雨
止前行地有故紙佛告比丘取之受教即取

佛問比丘以為何希諸比丘白佛此畏香之
紙今雖捐棄處香如故佛復前行地有斷索
佛告比丘取之受教即取佛復問曰此何等索
諸比丘白佛其索腥臭此繫臭之索佛語比丘
夫物本淨皆由因緣以興罪福近賢明則道義
隆友愚闇則殃罪集譬彼紙索近香則香繫臭
則腥漸染翫習各不自覺於是世尊即說偈言

鄙夫染人

如近臭物

漸迷習非

不覺成惡

賢夫染人

如附香熏

進智習善

行成潔芳

七十沙門重聞此偈知家欲為穢藪妻子為
桎梏執信堅固往至精舍攝意惟行得羅漢道
昔長者須達買太子園田共造精舍奉上世

尊各請佛及僧供養一月佛為二人廣陳明法
皆得道跡時太子祇陀歡喜還東宮歎佛之德
作樂自娛祇陀弟琉璃常在王邊時王素服與
諸近臣及後宮夫人往詣佛所稽首禮畢一
心聽經琉璃在後與衛御座時諸佞臣阿薩
陁等姦謀啓曰試着大王印綬坐御座上如
似王不於是琉璃即隨其言被服昇座諸佞
臣等皆共拜賀正似大王千載遭遇黎庶之
願豈使東宮闕闕於此此之御座豈可昇而復
下也即率所領貫鉞拔劍自就到祇洹斥徙大
王不得還宮與王宮屬戰祇洹閒殺王近臣
五百餘人王與夫人播迸晨夜至舍夷國中

道飢餓王噉蘆菹腹脹而薨於是琉璃遂即
專制拔劍入東宮斫殺兄祇祇知無常心不
恐懼顏色不變含笑熙怡甘心受刃命未絕
聞聞虛空中自然音樂聲迎其魂神佛於祇
洎即說偈言

造喜後喜 行善兩喜 彼喜惟歡 見福心安

本歡後歡 為善兩歡 厥為自祐 受福悅豫

是時琉璃王尋興兵衆伐舍夷國殺害釋種
道迹之人殘暴無道五逆兼備佛記琉璃不
孝不忠衆罪深重却後七日當為地獄火所
燒殺又太史記記與佛同國王大沛憐即乘
加入海吾今處水火焉得來七日中有自然

火從水中出燒船覆沒王亦被燒恐怖毒熱忽然沉終於是世尊即說偈言

造憂後憂行惡兩憂彼憂惟惟見罪心悔

今悔後悔為惡兩悔厥為自殃受罪熱惱

佛說是已告諸比丘太子祇者不貪榮位守

死懷道上生天上安樂自然琉璃王者狂愚

仗意死墮地獄受苦無數一切世間豪貴貧

賤皆歸無常無長存者是以高士殞命全行

為精神寶佛說是時莫不信受

法句譬喻經卷第一

歎

陶作

上音挑
瓦作也

萎

烏為反
焉一也

歛

許勿反
忽起

掖

音亦

腋

下殞命反上羽敏 匿王下力反尼 跣韞上先與反赤

及正作韞反上羽敏 埏埴上失然反柔也 餉詩尚反 羅

脚衣也 脰觸底上音削反思約 榮弄上音榮下音靜 饗餐

上音咽貪財也 愁憤下俱妹反 悼愍上音盜

下音鐵貪食也 紺青上古暗反 挺特上亭頂

也起也 澡手洗上也音早 腹潰決下玄對反 歡

娛下音惠 手捫下音門 螭蠹下音度反 無鞅反於良 躁擾則上

下音也 悚息上思 但瞽下音雞 杼氣上神也 乞白

蓋音 亘不疋可也 體悸下音動也 叩頭上

流漫官下莫反 手捲下巨 驚愕各反 綏化上音

擊也 赫弈上音許客反 體悸下音動也 綏化上音

燿然郭上反 怡懌音亦明盛自 驚愕各反 綏化上音

反張弓也 深邃 下私也 遂反 搗獲 七音禽 弓矢 反箭也

跨馬 化反 苦挽 音晚也 一發 二箭也 捐揖 入反 伊蹀 反

反足骨 暇 音夏 抒棄 一音神 序下 棄字也 悞怕 敢反

下疋 以遺 贈也 去聲 巨然 鄧反 咽然 大息也 謂一

也 窠中 燒上音 搖電 犴牛 母牛也 山藪 無水音 叟 一

也 籌 反直留 蠕動 上音 軟細 妖 盍 呢 術音 毒古

人 祭 餒 祭竹稅反 矚事 上音 燭 讖書 上楚禁 書

印 綬 受下音 眾賈 下音 古 舐 舌取物反 曹 曹 中莫

莫 登二反 腥臭 上音 星下 臻 反側 桎 桎 音上

實 下古篤反 佞臣 反 諂 定 關 闕 下音 傾 眉 反 噉 反 鉀 音上

音 械 別名也 尺 逐也 作 非 進 必孟 反 噉 反 鉀 音上

反也 食 蘆 蔽 北下 蒲 蕘 止也 朋 反 鼎 台 下 余 之 反 噉 反 鉀 音上

